

Nwàk Nè Mantombi nè JON à Còom

Jon à còm ñwàk ènə ñga bwìj sə yə'rə də bum sə aco ñwè ye bə lis, nə jweŋ bə bo pwe'fo' bup. Wo sə duk də bum sə bəboŋ mègù sə yà'a ma nè ndzənə yòŋsə. Fana ñwèe kà də yi sə duk də mɔ gù-a ve' yà' ye bup kə bəboŋ duk, bɔsə bum pwe' sə yi sə gù bə ni' ye yəyərə. Mɔmvə'nə wo à tse' nsap tsətsərə ànə fana wo sə duk də ànə ka yeŋ co Jisòs mo Nwì tse' ñgùpni' yeŋ.

Jon com ñgòcèp càsə bum ba: də bwìj cum cù mò'fis bə Nwì nə ye bə mo ye Jisòs Krest. Yi còm sè' də bwìj jəŋ ñkərə bə bum sə mɔwès sə bɔ mok sə yə'rə ke' yà'a bɔsə yà'a nə gɔ bupsə ncu nè cù mò'fis ènə. Yi sə tsok mali fa wo də Jisòs à ye ñwè bə nè zinə, nə ye də ñwè nè nà' dzəm-a Nwì fana nà' tse' ñgògì gì nè nà' tse' mareŋ nja.

Ncèp Nè Nà' Tse' Lùŋ Nə

¹ Yumòk à ye to ye fo' nè mɔ à yuk nà', nə ye nà' bə lis am, nə jweŋ nà' bə bo sè'. Yu ànə a Ncèp nè nà'a lùŋ nə, ñga nà'a Jisòs mo Nwì. ² Lùŋ nə ànə yəəŋ, fana vès ye yi, nə sə tsè' fa-à nə weŋ bə nzak lùŋ nè nà'a nè kà mè, nè nà' à ye to ntòbè tè' Nwì ñkuŋ vès ye nà' nə. ³ Vès sə tsè' fa weŋ bum sə vès à yə, nə yuk yè'sə, ya ñga wèeŋ cum ncù mò'fis vesùwèŋ. Vès cum cù mò'fis ves Tà Nwì nə ye mo ye Jisòs Krest wèŋ.

⁴ Njo nè vès còm bum yè'sə də ya kwəkwa nè vesùwèŋ nə yam tsə'rə wesə bə̀boŋ.

Sə Gi Sənə Mareŋ Bəsə Nwii Mareŋ

⁵ Ncèp nè vès à yuk bohòmo ye, nə sə tsə' fa-à nə wèŋ nə də, Nwii rərəŋ co mareŋ, yi ka ŋà ndzəndzəm ye lok saam. ⁶ A ye-a ŋga vesùwèŋ duk də, ves Nwii wèŋ cu cù mò'fis, nə sə gi sənə mandzəm, fana ye də yusə vesùwèŋ sə cèp, nə sə gə sə pwe'fo' m̀vwès. ⁷ Vesùwèŋ gi-a sənə mareŋ, m̀m̀vè'nè yi sè' sənə mareŋ, ye də vesùwèŋ m̀vwe' mò'fis. Jisòs mo ye sə cùk rəŋsə fis fa ves b̀p avès bə nduəm ye. ⁸ A ye-a ŋga vesùwèŋ duk-a də a ka ŋgàa gù b̀p yeŋ, ye də vesùwèŋ sə b̀rə ni' avès, vesùwèŋ ka zìnə nə riŋ lok nè m̀vèsə. ⁹ A ye-a ŋga vesùwèŋ gù b̀p, nə dzəm fis kè cùhu vès, fana yi ŋwè nè zìnə, yi nə ye sè' kəkərè ŋgòswi fa ves, nə cuk rəŋsə fis fa ves b̀p avès sə. ¹⁰ A ye-a ŋga vesùwèŋ duk də, a ka b̀p gə, ye də vesùwèŋ sə duk yà'sə də yi ŋgà ci' m̀vwès. Ye də ncèp ye nə ka sə ntùù vès yeŋ.

2

¹ Bwe am wèŋ, m̀à sə còm fa weŋ bum yè'e də ya wèŋ kà b̀p gù. A ye-a ŋga ŋwè nəmòk gù-a b̀p, Jisòs Krest cu yo nè yi nə təŋ mantombii Tè' avès Nwii, nə ləŋ fa nà'. Yi ye ŋwè nè yi kəkərè. ² Jisòs co yu cop nzak bohòNwii ya yi swifa ves fèŋ avès. Yi ka yu cop nzak bohòvesùwèŋ m̀gù, yi bohònzenɡòŋ nə pwe'fo'. ³ Yusə aco yà' niŋtsok də vesùwèŋ ri Nwii, a ŋga vesùwèŋ sə noŋsə-a ncèp ye nə na.

⁴ Nwè nəmòk duk-a də yi rì Nwì, nə kà yusè Nwì sə duk gù, fana ye də ɲgèɲgàaɲ ye ɲgà cì' m̀wès. Yi ka zinə nè Nwì nə riɲ lok nè m̀vèsè. ⁵ Nwè nè yi gùgè-a yusè Nwì də yi gù fana nà'a yi nè yi dzəm Nwì bə ntum ye pwe'fo' nə. Nà'a mandzè nè aco vesùwèɲ riɲ də a cu ndzə ni'ì Nwì zinə. ⁶ Nwè nè yi duk-a də yi bə Nwì m̀wè' mò'fis fana yi tse' ɲgògì nsàp gi nè Jisos Krest à gii.

Dzəm Moma Yo Bwèrɛ Wù Kà Mareɲ Nə Tse'

⁷ Nge' am wèɲ, yusè mù sə còm fa weɲ yè'e, ka yumok sè fi yeɲ, yà' mègù yusè zəm sè wèɲ ànə riɲ yà' mantombi fa' sə. Yusè zəm yè'sə, a ncèp nè wèɲ ànə yuk me nà' laɲ nə. ⁸ A ye-a sè ve'nə fana yusè mù sə còm fa weɲ yè'sə sè fi sè'. Yu ànə à yəəɲ bə nsàp ncu Jisòs, nə ye bə nè njàwèɲ sè'. Nà'a nè fi b̀usè ndzəm sə cà gəsə lófana mareɲ nè zinə sə yè ɲgòrɛɲ vèə. ⁹ A ye-a ɲga ɲwè nəmòk duk-a də yi cu m̀wè' mareɲ, nə sə beɲ mali moma ye fana ye də ɲgèɲgàɲ cu mali ɲga'a ntòsənə mandzəm. ¹⁰ A sè' zinə də ɲwè nè yi dzəm-a moma ye fana ye də yi cu sənə mareɲ. Yumok ka bohòyi co yi gbɔ yeɲ. ¹¹ Fana mamòk nə sè' də ɲwè nè yi b̀ɲ-a moma ye, ye də yi cu sənə ndzəm, nə sə jam ke' ca, b̀usè mandzəm lok yi lis laɲ.

Kà Nzeɲgòɲ KòBwèrɛ KəkòNwì Ka Sə Ntuù Wù Yeɲ

¹² Bwe am wèɲ, mù sə còm fa weɲ ɲwàk nè'e b̀usè wèɲ a tse' sèswifa bə b̀p awèɲ m̀ɲkwèɲ liɲ Jisòs Krest. ¹³ Mù sə còm fa weɲ

tè' bùusè wèŋ rì yi nè yi ànə ye ŋga nzeŋgòŋ ka ntòyeto nə. Wèŋ wàhabwìŋ, mù sə còm fa wèŋ bùusè wèŋ a ghak ŋkum ŋà gù bup nə laŋ. ¹⁴ Wèŋ bwe am, mù sə còm fa wèŋ bum yè'e bùusè wèŋ rì tè' àvès Nwì. Mù sə còm fa wèŋ tè' bùusè wèŋ rì yi nè yi ànə ye ŋga nzeŋgòŋ ka ntòyeto nə. Mù sə còm fa wèŋ wàhabwìŋ bùusè wèŋ tse' ŋaŋ. Ncèp nè Nwì cu sə ntuu wèŋ, fana wèŋ ghak ŋkum ŋà gù bup nə.

¹⁵ Kà də wèŋ dzəm nzeŋgòŋ bə bum sə nzeŋgòŋ nə tse' sə' duk. Bùsè wèŋ dzəm-a nzeŋgòŋ, ye də dzədzəm nè tè' àvès ka sə ntuu wèŋ yeŋ. ¹⁶ Bum sə nzeŋgòŋ nə tse' pwe', a bum sə ŋgùpni' sə dzəm yà', bum sə co bwìŋ yəgè yà', nə sə waŋ yà' də wo dzəm ŋgòtse' yà', nə ye yusè bwìŋ nègè ni' bə zeŋ sə nzeŋgòŋ fèŋ pwe'fo'. Mòk ka yu nè nà' vè bohòTè' yeŋ, yà' mègù lòŋ sè sə nze fèŋ. ¹⁷ Nzeŋgòŋ nə sə cà lòcàa, nà' sə cà lòbə bum sə yà'a ca sə bwìŋ dzəmgè yà' sə pwe'. Fana ŋwə nè yi sə gù-a ye yusè Nwì dzəm, yi nè cu mam maligè fo'.

Wèŋ Kərə Bə Bùu Sə Wo Bèŋgə Krest

¹⁸ Bwe am wèŋ, nzeŋgòŋ nə kuəp ŋgòmèe. Tsərə tse' mvè'nə wo ànə tsok wèŋ duk də nzeŋgòŋ kuəp ŋgòmè fana ŋwə nè yi bèŋgə Krest nə nə və. Nsàap bùu yà'sə a vè ŋkùŋntèn laŋ. Fana aco vesùwèŋ riŋ də nzeŋgòŋ nə kuəp ŋgòmè laŋ. ¹⁹ Bùu yè'sə a tesə lògesə mətsetsə'rə vès bùusè wo à ka ŋkùp ma nè njàvès yeŋ. Wo ànə yeŋ-a ŋkùp ma njàvès bwère də wo à ka tesə lò. Wo a tesə lòvè'nə fana yà' ni

tsok jəja də wo ka ŋkùp ma nè njàvesùwèŋ yeŋ.
²⁰ Wèeŋ yàwèŋ bùu sè Jisòs Krèst a sè wèŋ, nè fa
 weŋ Yòŋsè nè Rərəŋ nè fana wèŋ ri yàwèŋ zìnə
 nè laŋ. ²¹ Njo nè mù sə còm fa weŋ nè, ka də a
 bùusè wèŋ ka zìnə nè riŋ yeŋ. A bùusè wèŋ ri
 zìnə nè, nè riŋ sè' duk də kaco m̀vwès tesə yuk
 ndzə̀nə zìnə yeŋ. ²² A ye-a m̀m̀mvè' ànə zìnə, ye
 də ŋgà cì' m̀vwèes yè'sə ndà? A ndàaŋwè pwe'
 nè yi bèŋ də Jisòs ka ŋkum ŋgà gèm bwìŋ nè Nwì
 à tum vèsə sə nze nè yeŋ. Nwè nè yi dzèeŋ-a nà'
 vè'nə ye də nà'a ŋwè nè yi ŋgà bèŋ mo Nwì bə
 tè' ye nè sè'. ²³ M̀ mù sə duk yè'sə duk də ŋwè nè
 yi dzèeŋ-a mo ye nè, yi ka bə tè'ε nà'nə yeŋ. Ye
 də ŋwè nè yi dzəm-a mo ye nè, yi tse' tè' nè sè'.

²⁴ Wèeŋ riŋ tse' pap də wèeŋ kotse' ncèp nè
 wèŋ à yuk to mantombi nà'a sə ntùù wèŋ cùk.
 Bum sè wèŋ ànə yuk to yè'sə cu-a sə ntùù wèŋ,
 ye də wèeŋ nè cum mali m̀vwè' mò'fis weŋ mo
 nè, nè ye tè' nè. ²⁵ Tsərə tse' də Jisòs Krèst à
 kà' nòŋsə lòfa vès lùŋ nè nà'a nè kà mè nè.
²⁶ M̀ mù còm fa weŋ yà'a bə mandzè bùu sè wo sə
 ləp ŋgòbòrə weŋ. ²⁷ Wèeŋ yàwèŋ bùu sè Jisòs
 Krèst a sè wèŋ bə yòŋsè nè nje, nà' cu sə ntùù
 wèŋ. Nà'a njo nè wèŋ ka tse' ŋgòləp ŋwè nəmòk
 ŋgòyərə weŋ tse' nè, bùusè yòŋsè ànə sə yərə
 weŋ ŋgòri bum pwe'. Yusè Yòŋsè nè sə yərə
 weŋ sə, yà'a zìnə, m̀vwès ka nja yeŋ. Nà'a njo
 nè mù sə duk weŋ də wèeŋ cum mali weŋ Jisòs
 m̀m̀mvè'nə Yòŋsè nè sə yərə fa weŋ. ²⁸ Bwe am
 wèŋ, mù sə duk fe'lə səmok də wèeŋ təeŋ mali
 ndzə̀ ni'ì Jisòs, ya ŋga nùmbu nè yi bwì foho vèə,
 vesùwèŋ ye bə kwəkwa, a kà də a swihi lis bə

marè'tu duk. ²⁹ Wèŋ rì də Jisòos ɲwè nè kèkurè. Aco wèŋ riŋ tse' sè' də ndàaŋwè pwe' nè yi gùgè bum kèkurè fana ye də yi mo Nwi.

3

Ŋwè Nè Yi Mo Nwi Zìnə Kà Bup Gùhugè

¹ Kək ja'a na yòo ma nsàp dzədzəm nè Tè' nè tse' bohòvesùwèŋ-ε. Yi dzəm ves ve'ε tètè nè to fa ves liŋ də vesùwèeŋ bwe Nwi, ɲga a zìnə də vesùwèeŋ bwe Nwi anə. Njo nè bùu sè sə nzeŋgòoŋ kà vesùwèŋ rìgè, a bùusè wo ka tè' àvès Nwi sè' riŋ. ² Ŋge' am wèŋ, vesùwèeŋ ɲga'a yè'e bwe Nwi. A ka nsàp bù nè vesùwèeŋ nè kə bùuŋ nùu, ntòrɛeŋ tsə'rə. Yu nè mò'fis nè a rì nè də, nùmbu nè Jisòs vèə, vesùwèeŋ nè ye co yi, bùusè a nè ye yi bə lis kwarəŋŋ məm̀vè'nə yi cu sə. ³ Ŋwè nè yi tse'-a nsàp naaŋ tu ènə sə ntùè yi sə nòŋsə ni' ye rərəŋ ɲjàaŋ m̀vè'nə Jisòos ye sè' rərəŋ ɲjàaŋ sə. ⁴ Ŋwè nè yi gùgè-a bup, ye də yi gù bupsə lùk nè Nwi, bùusè yusè wo togè yà' də bup sə, a ɲgòkà lùuk Nwi nòŋsè. ⁵ Wèŋ rì də njo nè Jisòs Krest à vè sə nze fən, a ɲgòjə lòbup avès. Yi ka ye bup ndzə ni'ì yi tse' lok nè kè' mò'fis. ⁶ Ye də ɲwè nè yi cu ndzə ni'ì Jisòs Krest kà bup gùhugè. Ŋwè nè yi gù malìgè-a bup ye də ɲwè ànə ka nà' ntòye yuk, nè kà nà' sè' rì lok fùk.

⁷ Bwe am, ɲwè nəmòok kà wèŋ bòrè. Ŋwè nè yi gùhugè bum kèkurè pwe', ɲwè ànə yi kèkurè m̀vèsè Jisos Krest sè' kèkurè sə. ⁸ Ŋwè nè yi

gùgè-a bup, ye dè yi mo Satà. Busè Satà cu ye ngà gù bup, mvè'nè à yèto yèe. Njo nè Jisòs mo Nwì à vè sè nzenḡòn fèn, dè ya yi kè gù bupsè fàak sè Satà sè gù pwe'. ⁹ Nwè nè yi mo Nwì bè nè zìnè, yi kà bup gùhùgè. Busè yi tse' mok nsàp ntum nè Nwì, fana kaco yi gù bup yeḡ. ¹⁰ Yusè yà' sè nìtsè' zèzok nè nà' cu mütsetsè'rèè bwe Nwì nè ye bwe sè Satà sè yè'. Nwè nè yi kà bèbòḡ gùgè, ye dè ḡḡḡḡḡḡ ka mo Nwì yeḡ. Nwè nè yi kà dzèdzèm bohòmoma ye tse'gè, ye dè yi ka mo Nwì sè' yeḡ.

Nwè Nè Yi Tse' Lùḡ Zìnè Kà Moma Ye Bèḡḡè

¹¹ Ncèp nè wèḡ ànè yuk to mantombi nè nè' dè, wèḡ dzèm mòk bè mòk. ¹² A kà nsàp ntum nè Ken, nè yi à ye ḡwèè Satà à tse', nè zè moma ye nè bè nà' à ye vèm mò'fis nà'a tse'. Ken nè à zè moma ye nè yè'sè bùu yà? Yi à zè nà' bùusè nà' à sè gù yusè yà'a kèkùrè fana yi sè gù ye bup. ¹³ Yè'sè ànè ye-a ve'nè, ye dè a ye-a ḡḡḡ nzenḡòn nè bèḡ-a weḡ sè' fana wèḡ kà dè wèḡ mərə dè a ve'nè bùu yà lè duk. ¹⁴ Vesùwèḡ rì yàvès dè a cà tesè ndzè bohò kpù laḡ, a cu mok mvwe' lùḡ. Vesùwèḡ rì dè yè'sè zìnè bùusè vesùwèḡ tse' dzèdzèm bohòbwema avès. A yà'a mok jèja dè ḡwè nè yi ka moma ye dzèm, ye dè yi cu mali ntòndzè bohòkpù. ¹⁵ Nwè nè yi sè bèḡ-a moma ye, ye dè yi ḡḡḡ zè bwìḡ. Wèḡ rì sè' dè ḡḡḡ zè bwìḡ ka lùḡ nè nà'a nè kà mè nè tse' lok.

¹⁶ Ye'e mvmvè'nè aco a rì tse' dzèdzèm sè, dè Jisòs Krèst à fa tu ye bohòvès. Ye dè aco a fa tu avès bohòbwema avès sè'. ¹⁷ A ye-a ḡḡḡ

ɲwè nəmòk tse' bum, nə ye moma ye ɲga nà' ka yumok tse', yi kà manziɲ ɲgòtəsə nà' tse', yà'sə ni tsok də yi ka dzədzəm nè Nwii fagè ɲwè ɲgòdzəm moma ye sə ntùù yi tse'. ¹⁸ Bwe am wèɲ, bum yè'sə ye-a mùmɲək ènə fana boɲ də kà də vesùwèɲ sə dɔhɔ mègù bə cù dɔk də vesùwèɲ tse' dzədzəm dɔk. Vesùwèɲ sə niɲtsok dzədzəm nè zìnə ya lis ye sè'.

¹⁹ A yà'a zeɲ sè aco yà' niɲtsok fa vesùwèɲ də a ma nè zìnə nə. A sè' zeɲ nè aco nà' gu ves a ko to ntùm kù mantombii Nwì, ²⁰ ɲga ntùm avès sə sak-a ves, də vesùwèɲ bùù sè bup. A sə rì də Nwì yam ghak ntùm avès, nə riɲ bum pwe' sè'. ²¹ Nge' am wèɲ, a ye-a ɲga ntùm avès sə kà ves sak, ye də aco vesùwèɲ təəɲ lì kù mantombii Nwì, nə kà wəp. ²² Fana yusè vesùwèɲ fek-a yi, vesùwèɲ tse' yà', bùùsè vesùwèɲ sə nòɲsə lùuk ye, nə sə gu yusè yà' sə bòi. ²³ Lùk ye nə də vɛ', də vesùwèɲ dzəm bohòmo ye Jisòs Krest, nə dzəm mòk bə mòk mɲvə'nè Jisòs à dɔk. ²⁴ Nwè nè yi nòɲsəgè-a lùuk sè Nwì fana ye də yi cu ndzə ni'ì Nwì, Nwì cum bwi ndzə ni'ì yi sè'. Nè'e mandzè nè aco vesùwèɲ rì də Nwì cu vesiwèɲ, a bùù yòɲsə nje nè yi a fa ves nə.

4

Mùmsə Ja'a Yòɲsəə Sə Nkuɲ Nə Dzəm Yà'

¹ Nge' am wèɲ, kà də wèɲ yàaɲ dzəm fa ndàaɲwè pwe' nè yi dɔk də yi tse' Yòɲsə Nwì dɔk. A bəboɲ ɲgòmùmsə ja'a də yi tse' Yòɲsə Nwì anə zìnə àlɛ. Bùsè bù ɲgàa tsòhòmvwèes sə nzeɲgòn anə ɲkùuɲntèɲ sè wo sə dɔk də wo sə

tsòho ncèp nè Nwì nò. ² Mandzè nè aco wèŋ riŋ də yi tse' Yòŋsè Nwì àlɛ' vɛ': ɲwè nè yi cèp tose fis-a jəja də Jisòs Krest à vè sə nze bə ɲgùpni' laŋ fana ye də yi tse' Yòŋsè Nwì. ³ Fana ɲwè nè yi duk-a ye də Jisòs à ka bə ɲgùpni' sə nze və, ye də yi ka Yòŋsè Nwì tse'. ɲwè ànə tse' yà'sə yòŋsè ɲwè nè yi bɛŋgè Jisòs, nè wèŋ à yuk duk də yi nè kè vè sə nze fɛŋ nə. Mù tsè' wèŋ bə zìnə də yi ɲga'a sə nzeŋgòn anə.

⁴ Bwe am wèŋ, wèŋ yàwèŋ bwe Nwì, wèŋ a gha' ɲgàa cì' mɔwès sə laŋ, bùusè yòŋsè nè nà'a sə ntùè wèŋ gɔ ghak yòŋsè nè sə nze nə. ⁵ ɲgàa tsòhòkɛ' mɔwès yà'sə yàwo bùu nzeŋgòn, ye də yusè wo sə cèp pwe' mègù bum nzeŋgòn. Fana bùu sè sənə nzeŋgòn sə sə yu'rə fa wo. ⁶ Vesùwèŋ yàvès bwe Nwì. Bùu sè wo rì Nwì yu'rəgè yàwo bohòvès. ɲwè nè yi ka-a mo Nwì yeŋ, yi kà bohòvès yu'rəgè. Nà'a mandzè nè aco vesùwèŋ riŋ də ɲwè tse' yòŋsè nè zìnə kè yòŋsè nè mɔwès àlɛ' nə.

ɲwè Nè Yi Dzəm-a Bwiŋ Ye Də Yi Mo Nwì

⁷ ɲge' am wèŋ, bədə vesùwèŋ dzəm mòk bə mòk. Nwì gùgè yi ɲkuŋ vesùwèŋ riŋ mɔv'è'nə a dzəm bwiŋ, ye də ɲwè nè yi dzəm-a bwiŋ, yà' sə tsok də yi mo Nwì, yi rì Nwì sè'. ⁸ ɲwè nè yi kà bwiŋ dzəmgè, ye də yi ka Nwì riŋ, bùusè Nwì mègù ye sə dzədzəm. ⁹ Mandzè nè Nwì a nì tsè' fa ves də yi dzəm ves nə vɛ'; yi à tumsə fa vesùwèŋ kwə'rè mo ye sə nzeŋgòn də ya vesùwèŋ tse' lùŋ ɲkwèɛŋ yi. ¹⁰ Ka də vesùwèŋ à dzəm to yi vès yeŋ, Nwì ànə dzəm

to ves yi ŋkuŋ, nə tumsə fa ves mo ye co yu cop nzak bæ fɛŋ avès. Yà'a nìtsə' dzədzəm nè nà'a zìnə nə. ¹¹ Nge' am wèŋ, wèeŋ ye-na yàwèŋ sè', Nwii dzəm-a vesùwèŋ mùmɔ̀k ènə, a kà ni' avès dzəm à? ¹² Nwè nəmòk ka Nwì bæ lis ntòye yuk, megu də vesùwèŋ dzəm-a mòk bæ mòk, ye də Nwì cu ndzə ni'ì vès, fana dzədzəm nè nje nə guŋ wesə ndzə ni'ì vès anə.

¹³ Yusè aco yà' gù vès rì də a cu ves Nwì mwwe' mò'fis, Nwì ye bwi vesiwèŋ sè', a bùusè yi a fa ves Yòŋsè ye sə ntùù vès. ¹⁴ Vès a yə bæ lis avès də Tè' a tumsə vèsə mo ye də nà'a və kə luŋsə bùù sè sə nzeŋgòŋ. Vès nə sə tsè' fa-à nə bwìŋ də yu yè'sə zìnə. ¹⁵ Yusə də, a ye-a sè ndà pwe' nè yi cèp fis duk də Jisòs Krest mo Nwì, ye də Nwì cu ndzə ni'ì ŋwè ànə, yi cum bwi ndzə ni'ì Nwì sè'. ¹⁶ Vesùwèŋ a riŋ mùmɔ̀v'è'nè Nwì dzəm ves zìnə ŋkuŋ nə fa ntəm avès fo' lònŋfo'.

Nwì mègù ye dzədzəm. Nwè nè yi tse'gè-a dzədzəm, ye də yi cu ndzə ni'ì Nwì, Nwì cum bwi ndzə ni'ì yi sè'. ¹⁷ A ye-a ŋga dzədzəm nè Nwì cu sə ntùù vès dak, fana nùmbu nè Nwii sak ves, vesùwèŋ təeŋ, nə kà wuə tse'. Bùsè mandzè avès nè sə nzeŋgòŋ fɛɛŋ nà'a co nè Jisòs Krest. ¹⁸ Yusə də, wuə ka ndzənə dzədzəm yeŋ. Dzədzəm cu-a sə ntùù vès dak, fana yi be' fis gəsə wuə pwe'fo'. Fàha wuə mègù ŋgòwəp ŋgə' nè də ŋwè gbù nzak. Ye də ŋwè nè yi tse'-a wuə sə ntùù yi, ye də yi ka dzədzəm nè Nwì sə ntùù yi dak tse'. ¹⁹ Vesùwèŋ tse' dzədzəm sə ntùù vès, nə ye bohòNwì sè' bùusè Nwì à tse' to dzədzəm bohòvès yi. ²⁰ Nwè nəmòk duk-a də yi dzəm

Nwì, nè sə beŋ moma ye, ye də ɲwè ànə ɲgà cì' mɲwès. Bəsè ɲwè ka-a moma ye nè yi yəgè nà' bə lis dzəm, mandzè nè co yi nè dzəm Nwì nè yi ka nà' ye yuk nè bùè. ²¹ Lùk nè Nwì à nòŋsə nè də, ɲwè nè yi duk-a də yi dzəm Nwì, yi dzəm moma ye sè'.

5

Bwe Nwì Wèŋ Tse' Nàaŋ Sè ɲgòGhak Nzeŋgòn Bə Zeŋ

¹ Yumook yè' də, ɲwè nè yi dzəm-a də Jisòs Krèst ɲkum ɲgà gèm bwìŋ nè Nwì à də yi nè tum vesə sə nzeŋgòn nè fana, ye də ɲwè ànə mo Nwì. ɲwè nè yi dzəm-a tè' mwe, ye də yi dzəm mo nà'nə. ² Aco vès rì tse' duk də vesùwèŋ dzəm bwe Nwì, ɲga vesùwèŋ dzəm-a yi, nè sə nòŋsə lùuk ye na. ³ Mù sə duk yè'sə də, a ye-a ɲga vesùwèŋ sə nòŋsə lùuk Nwì, yà' ye yà'sə də vesùwèŋ sə dzəm yi. Yusè yi sə duk də vesùwèŋ gɹ sə, yà' ka gɹgɹŋ yeŋ, ⁴ bùusè bwe Nwì pwe'fo' tse' nàaŋ sè ɲgògha' nzeŋgòn nè bə zeŋ. Mvè'nè vesùwèŋ sə fa ntum avès bohòJisòs, a yà'sə mandzè nè aco vesùwèŋ ghak nzeŋgòn nè bə zeŋ. ⁵ Yà'sə sə tsè' də ɲwè nè aco yi ghak nzeŋgòn nè, a ɲwè nè yi dzəm də Jisòs mo Nwì.

Mandzè Tɛ' Sè Aco A Rìŋ Jisòs Bə Zeŋ

⁶ Mvè'nè Jisòs Krèst à vè sə nzeŋgòn fən, yi à cà sə ndzəpè, nè ca ndzənə nduəm. Yi à ka sə ndzəpè ca megu, yi à cà ndzənə nduəm sè'. Yu səmook sè' də Yòŋsè nè Rərəŋ nè nìtsè' fagè

ves nsàp ñwè nè Jisòs cu nè. A dzəm yusè yi cèpgè sə, bùusè yi cèp mègù zìnə. ⁷ Ye də vès tse' mandzè tɛ' sè yà' sə nitsè' də Jisòos mo Nwì. ⁸ Mandzəə sè tɛ' yà'sə, mòok Yònsè nè Rəreɲ nə, mòk ye ndzəp, mòk ye nduəm. Bum sè tɛ' yè'sə wo pwe'fo' cu cù mò'fis. ⁹ A ye-a ɲga bùu sè wà tsè' də wo a yə yumok, fana vesùwèɲ sə dzəm fa wo nta ɲga'a Nwì nè yi ghak bwìɲ à? Yà'a məm̀vè'nè yi tsè' fa ves də mo ye cu sə. ¹⁰ Ñwè nè yi dzəm-a də Jisòos mo Nwì, ye də yi rìɲ də bum yè'sə yà'a zìnə. ¹¹ Ñwè nè yi ka-a yusè Nwì cèp yè'sə dzəm, ye də yi sə duk yà'sə də Nwii ɲgà cì' m̀vwès, bùusè yi ka yusè Nwì cèp bə tu mo ye sə dzəm. Yusè Nwì a tsè' fa ves sə, a də yi a fa ves lùɲ nè nà'a nè kà mè. Lùɲ nè nà'a nè kà mè nə, nà'a ndzə bohòmo ye Jisòs. ¹² Ncèp ènə jəja də, ñwè nè yi tse'-a mo Nwì, ye də yi tse' lùɲ nə. Ñwè nè yi ka mo Nwì tse', ye də yi ka lùɲ ànə sə tse' lok.

NgòKè Mèsə Lòo

¹³ M̀ com fa wèɲ sè wèɲ a dzəm lɪɲ mo Nwì bum yè'sə, ya ɲga wèeɲ rìɲ də wèɲ tse' lùɲ nè nà'a nè kà mè nə. ¹⁴ Yè'e yusè vesùwèɲ rì sə də, a ye-a ɲga vesùwèɲ fek yi yumok ɲga yà' kùrə-a yi vɛ'nə fana yi yuk fa ves yà'. ¹⁵ A ye-a də yi yukgè ves ghà nè vesùwèeɲ cèpgè bohòyi pwe'fo', fana aco a rìɲ sè' də yusè a fek-a yi lòoɲ, ye də a tse' yà' laɲ.

¹⁶ A ye-a ɲga ñwè nəmòk kə tseɲ moma ye nè ndzə ni'ì Jisòs ɲga nà' sə gù bup, fana yi lɛɲ fa nà' pìriyà, ɲga bup nè yi gù nè ka-a nsàp nè co

nà' jə vè fa nà' kpu yeŋ nə. Yi leŋ-a ve'nə, Nwii nə fa li moma ye ànə lùŋ. Tse'ŋga bup nè yi gù nə nsàp nè nà'a jə fa vègè ŋwè kpu nà'a. Bup mòok nè ŋwèe gu nà', nà' jəŋ və fa yi kpu. Mù ka də ŋwè nè yi gù-a nsàp bup ànə, wèŋ leŋ də Nwii fa nsàp ŋwè ànə lùŋ duk. ¹⁷ Bup pwe'fo' mègù bup, megu də bup mook sè ŋwèe gù-a yà', yà' kà yi kpu jə vè fa.

Ncèp Nè NgòLèsə

¹⁸ Vesùwèŋ rì tse' də, ŋwè nè yi ye-a mo Nwi fana yi kà bup sə gùhù. A ve'nə bùusè mo Nwi gùmsəgè yi ya ŋga Satà kà mandzè nè ŋgòjwèŋ yi tse'. ¹⁹ Vesùwèŋ rì yàvès də vesùwèeŋ bwe Nwi. Nzeŋgònə nə pwe'fo' cu ndzə bohòSatà. ²⁰ Vesùwèŋ rì də mo Nwi a vè sə nzeŋgònə fəeŋ ŋgògù də vesùwèŋ rəeŋ bum ya ŋga vesùwèeŋ riŋ Nwi nè zìnə nə. Mvè'nə a ves mo ye Jisos Krəst mvwe' mò'fis fana vesùwèeŋ mvwe' mò'fis ves Nwi nè zìnə nə. Jisòos Nwi nè zìnə nə. Yi tse' lùŋ nè nà'a nè kà mè nə.

²¹ Bwe am wèŋ, wèeŋ jə ŋkərè bə tu awèŋ ya kà də wèeŋ nonşə yumok sè zok sə ntùè wèŋ co Nwi duk.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

c475d5b3-da44-51cf-93ca-f255b72fe481